

啟者本店常有各埠煤
炭發客堅固快捷火船
仔數只賃往各處或帶
快信或遊河拖船出入
口俱皆利便妥當 如
貴客光顧請至同文街
興利店面議價甚相宜
此佈 辛丑
光緒八年正月十八日
同文街興利店謹啟

啟者元珍樓在嘉咸街門牌第九號
於己卯年與黃善慶郭子廷周乾初
朱蔭泉全做包辦酒席生理至壬午
年清算黃善慶郭子廷周乾初志圖
別業情願將元珍生意全盤頂與朱
蔭泉承受仍用元珍成記所有元珍
舊字號欠到貨項揭項俱歸舊人自
理與元珍成記朱蔭泉無涉日後元
珍成記生意盈虧亦與舊人無干
元珍成記朱蔭泉謹白

啟者利遠公司初次收繳股份銀兩原係着郭曉溪翁暫行權理收支各等數目今已劃算清楚統交回本公司總值理人接理未有少欠分厘即郭曉溪翁名下認造利遠公司之股份亦一並退出以清首尾而免齟齬嗣後利遠公司生意銀兩數目等事概與郭曉溪翁無涉致於郭曉溪翁經手發出繳到初次股份銀兩之收單及各股尚有未繳到第二次之股份銀者祈早日送交祐隆號內總理人黎維遠王臣翁手收即轉換收票爲實祈勿觀望遷悞特此佈告 光緒八年四月三十利遠公司李敬亭莊煥南曾月溪梁遠昭等謹啟

上海
仁濟
有限公司
啟者本公司實備資本銀一百萬兩專保中外各埠來往船載金銀貨物各埠均有經理本保公司險事務之人其章程保費回緣各欸均與各保家大例相同業於本月初一日開辦尙望中外客商勿吝賜顧爲荷
香港
港埠
和公司
托招商局
張君祿如
經理
和公司
托瑞隆棧
邱君允致
經理
仍托陳君
星藩
從中
協理
香港
埠
准
本
月
二
十
五
日
開
辦
特
此
佈
聞
光緒八年四月吉日
總理
仁和
濟和
公司
何燕
雲
啟

貨 啟者本棧有石貨倉數座倉地乾潔四面通氣安頓貨物并無朽壞之虞更有木馬頭一座火船帆船渡船貨艇均可灣泊不拘早晚禮拜上落貨物棧租相宜銀兩常便出按貨物利息相宜諸尊光顧請移玉到本棧面議特此佈聞 石塘嘴拷核棧
租
倉

貨 啟者本棧有石貨倉一座倉地潔淨四面通氣安頓貨物可無朽壞之虞并有木馬頭一座凡渡船貨艇均可灣泊不拘禮拜早晚隨時上落棧租便宜諸尊光顧請移玉到本棧面議特此佈聞 壬午年正月吉日 石塘嘴集益棧謹啟
租
倉

報

頭品頂戴山東巡撫臣任道鎔跪 奏爲欽奉 諭旨恭摺覆陳仰祈 聖鑒事竊臣於三月初一日承准軍機大臣字寄光緒八年二月二十八日奉 上諭御史李肇錫奏山東辦理積穀宜求實惠及民災區應從緩辦等因欽此伏查臣辦理積穀章程凡被災較重之區概行緩辦只勸成熟村庄如章邱縣上年沿河被水各村即以殷富之捐輸爲災黎之撫恤歷城縣僅於城內紳商捐穀四千餘石四鄉並未勸捐此外各屬辦法先儘紳富次及農商有地在十畝以上者始行量力輸將零星小戶不得派捐顆粒一鄉一村之中凡戶口人丁積穀數目均令造冊二本官爲用印一存州縣一交社長互相稽察所捐穀石或儲富家糧店或借公所民房派公正裕者專司其事酌定年限輪替接充無耗者量予獎勵缺額者照數賠償如青黃不接之時由官督同減價平糶按照冊開戶口每人以三斗爲率秋後買補歸還倘值歲荒分別賑貸使收掌在官官難侵蝕稽察在官民有責成此勸辦積穀之章程也嗣因州縣有倉廩各處散存終非久計敕令不重以考成亦恐因循廢弛復經通飭於四鄉適中村鎮酌量建倉歸併如二三年內未經辦理平糶卽出陳易新一次地方官新舊交接由後任逐一盤驗於正案交代外另出積穀無虧印結申報院司每值年終由院司派員抽查一次預防霉變短少之弊各州縣現均一律遵辦間有數縣積穀全儲城倉者係因四鄉無寬大公所建倉復所

城

城新開
縣王寶銘王樹圻黃湘林俱稟辭回廠候補縣徐多鈐稟辭回東海局候補縣清安稟知委查歸善各縣監羈差候補縣常西稟知委查永安縣羈所差順德縣袁稟辭回署候補同知成瑤稟知委查潮屬羈所差補用縣王承彥稟知往市橋車陂估賭館償回候補鹽運同鄧清鳳稟辭回連陽卑補用同知高紀稟辭往新會佛岡等廳縣公幹候補同知祁兆熙稟知前往新會公幹海關庫大使李稟知奉關需委解海防經費銀一萬兩交善後局

輪船亦被轟斃一人并捉獲二人詎此輪船確係奉粵海關憲海面緝私者即日稟覆關憲謂其拒捕傷兵釀成人命其鄉內亦已具稟呈訴前數日南邑尊下鄉相驗其死者係輪船兵勇康姓將來其事互控不休矣○傳說雨棉傳聞南邑沙園堡地方前月杪當風雨淋漓之際有人見所雨有成顆者拾而視之如棉花樣未幾即止其事未知真否○攫物遊刑 初八日午候之時寶慶坊捉獲一匪係當街攫取晒晾衣物者更練照例遊刑此更練以近日失竊頻仍不分晝夜受累不少因而積怒成憤將此匪沿途鞭撻其背以致皮肉開綻鮮血淋漓登卽小地是日異常暑熱見者爲之惻然○因情求釋 清風橋之

外

外 報云俄國前議遣派戰艦駛往太平洋各處駐守一事茲聞俄國戰艦之在忌倫士達地方者現已預備軍械購辦糧食甚為忙碌速幾於日無暇晷據訪事人報稱俄之水師大臣已有文書限各船於十六個月內聯合十有四艘約載兵八千名駛赴太平洋各口岸駐劄以護商民而防不測矣俄人之深謀秘計難以測度不可於此概想哉○俄主防患 俄都聖彼得堡信息云俄主自踐位以來無日不加意防範謹慎行藏蓋恐為亂黨所謀害也其所居之宮外築牆垣數重多設兵士晝夜巡防凡欲入宮者必須盤搜其身然後放行焉○西班牙地震 西班牙信息謂是處忌連拿的地方忽遭地震初起時居民覺得牆壁格格有聲留心詳察遂豁然省悟於是莫不惶恐方欲走避而霹靂聲喧已有屋數間傾塌矣幸屋內之人早已走出故得免罹於厄也

新 銀圓也○美國大火 美國信息謂威士干仙處理禪地方於西歷五月初五晚有某店失慎致兆焚如一時烈焰遠衝霄漢猝難嚮避為之撲滅遂被延燒及遲約歷一夜火始暫熄計遭燒魚之殃者為地蓋有十五英畝燒去財物約值銀一百萬圓按理禪城乃建於律河之兩岸約有居民二萬云○阿非利加洲近事 阿非利加洲遞到信息云是洲南境阿蘭地方有回教人復與法國官軍為難揭竿而起眾皆左袒往攻法軍於是兵刃相接屢戰甚酣嗣以互相相傷乃各罷戰據稱回人捐軀於陣上者一千五百人而法兵亦受劇實甚屍如山積蓋未悉其數焉○畫軸被竊 西報謂比利時國其王宮內向懸有油畫數幀於壁上乃名畫師所繪也筆法極精情景活現累代珍

大國戲

可以免大傷和誼倘法人果貪得無厭堅執不從則當以兵戎相見云○上海信息 上海哥利亞西報云昨有日本他加些高馬魯火國載到羊羣甚多已抵上海其牧羊西人亦附航同到蓋在美邦素以善於牧羊著名者又昨有刺思亞火船由漢口載茶而同擬於六月十四日開行出洋不料動輪未久覺得機器有壞遂即停止以便修葺焉○帆船失事 聞有美國的理高帆船於西歷五月初雪梨載煤九百七十噸欲來上海十六日駛至中途西南風大作浪湧波翻船被掀致折其桅不能駕駛厥後飄至威都島畔船已堪各人祇得登岸迨風止息而島人蠢擁而至將船中各物盡搶去云○東瀛郵音 日本官報謂澳門總督忌理加不久將附搭輪本回澳門日國廷臣因擬盛設筵宴與之餞行以表友交之誼而盡東道之情焉○請給文憑 茲有南澳斯利亞押多力處之經歷於本港輔政司其署謂敬請足下凡港中有英籍人民欲來押多力者祈先在港給與文憑俾抵本處之日得以查核聽其登岸並豁西人病故 西報云聞初十日有香港上海銀行之管理帳目西人十篋病故死者在僱工為日甚久現擬於十一日殯葬云

圓者承充人繳入咁嘛喇公局作為義塾公項以充經費如此抽收每歲會計約得銀一萬五千有奇將早湊成鉅款力固易舉而功亦易成尤勝於沿門托鉢隨緣求助者多矣現據西人所言不為無見誠為意見法美計遠思深足冀一勞永逸而行之可久焉緣向承充加抽此款祇為後來投者方行抽收而從前所投者概不干涉倘此法一立確有成議則嗣後欲投者定必通盤打算新規若何舊例若何早已熟思審處預籌勝算然後出價開投是在承充者固無損於生意而有裨於公項者為數甚鉅也試思義塾之設何地沒有邇來好善者多推行愈廣始而通都大邑繼而鉅族小鄉靡不設法捐簽延師設塾專課窮黎凡屬村民得沾教澤者奚可勝道茲本澳地廣人稠戶口蕃庶殷富者雖不乏人赤貧者亦在所多有誠如西人所論集此鉅資廣設義塾專課華童俾澳內貧民均受其益又何樂而不為哉如或慮承充人問曰不願加抽者余則謂可無庸過慮蓋好善之心人所同具彼無力之士尚且踴躍解囊多方設法勇於相輸況承充之家多是殷富奚虞力不從心即以投一宗生意而論斷非一木能支必賴眾擎共舉則雖多納加抽之款亦不過藉眾力而成如果該東登高一呼自然眾山皆響誰肯吝吝公項致阻人為善之階料各東必不忍出此且加抽此項並非西人飽充私囊仍以中國之財而行中國之事不啻因人之所利而利之其意別無他圖也余請為諸君子更進一說其最妙者莫若將籌款設塾各善策臚列條陳與本澳官紳彼此互商和衷協辦庶幾法無不周而事無不濟匪僅為地方造福而作育人材兼以養正其功實非淺鮮也至於事之有成總在諸紳商鼎力維持耳余常拭目俟之諒 富商巨賈皆屬善士仁人當不以余言為河漢 濠鏡四雜子稿

拍賣屋宇 初九日下午經拍賣人機地士將西營盤砲臺之屋九間出投有出銀八千三百五十圓買而管業焉○酒醉滋事 西人替羅士受僱於沙必頓火船充作舵工也加些士則傭工於芬活火船者均因飲酒致醉騷擾行人被拘到案官判各罰仙士五十枚若不完繳繫獄一日○命案押候 前錄陳義在附近赤柱山畔身死一案初八日驗屍官親赴其地詳為察看許久始回仍命將案押候再審○小販逞兇 初五日西營盤街市有小販甲乙二人因事角口以致用武甲執屠刀向乙刺去如宰犬豕然乙不及避致傷右肩血流如注有見其傷口長約三寸半深約二寸半甲仍斫之復傷乙左手其傷口長約二寸半深約寸許甲見乙重傷知干不便棄刀而逃乙不能追獲遂欲往報差館及至館痛不能忍乃仆於地此街市距差館約二十碼之遠巡差担臣見之命人昇往醫院調理聞所傷不久可以痊愈經差詢知兇手已逃往澳門矣

